

आकाशवाणी

1. प्रधानमंत्री नरेन्द्र मोदी होर अज्ज सैन्ट्रल विस्टा पुर्ण विकास दे हिस्से दे तौरा पर नमीं दिल्ली च कर्तव्य भवन-3 दा उदघाटन करगंन।
2. राष्ट्रपति द्रौपदी मुर्मू होरें आक्खेया जे इलाके च खुशहाली ते स्थिरता आनने लेई फिलिपीन भारत दी एकट इस्ट नीति दा अहम हिस्सा ऐ।
3. उत्तराखंड दे उत्तराकाशी जिले च बदल फटने करी आए दे हाड़ मगरा राहत ते बचाव कार्य जारी न।
4. मौसम मैहकमे नै मुखे दे केई राज्यें च भारी बरखा दी पेशगोई कीती ऐ ते उत्तर भारत लेई एलर्ट जारी कीता ऐ।
5. केन्द्री सहकारिता मंत्री अमित शाह होरें आक्खेया जे जीवंत सहकारिता क्षेत्र सरबन्धी मोदी सरकार दे दृष्टिकोण तैहत 35 हजार थमां बद्ध नमीं सहकारिता समितियें दा गठन कीता गया ऐ।
6. ते शतरंज च चिन्नेई ग्रैंड मास्टर प्रतियोगिता दा त्रीय संस्करण अज्जै थमां शुरु होआ रदा ऐ।

<><><><><><><>

PM-kartavya Bhawan

प्रधानमंत्री नरेन्द्र मोदी होर अज्ज नमीं दिल्ली च कर्तव्य पथ पर नमें बनाए गेदे कर्तव्य भवन दा उदघाटन करडन। इस मौके पर प्रधानमंत्री होर इक सार्वजनिक कार्यक्रम गी बी संबोधित करगंन। कर्तव्य भवन सैन्ट्रल विस्टा परियोजना दा गै इक हिस्सा ऐ। एह भवन प्रशासनिक प्रक्रियाएं ते शासन दी सुव्यवस्था दे मकसद कन्नै भविष्य च तैयार होने आहले केन्द्री सचिवालय भवनें च पैहला ऐ। प्रधानमंत्री हुंदे दफ्तरै आसेआ जारी बयाने च दस्सेआ गेआ ऐ जे कर्तव्य भवन दे निर्माण दा मकसद बक्ख-बक्ख मंत्रालयें ते विभागें गी किट्ठे आहिनए दक्षता, नवाचार ते सहयोग गी बढ़ावा देना ऐ। कर्तव्य भवन-3 आधुनिक सुविधाएं कन्नै लैस ऐ। ए 1.5 लक्ख Square Meter च फैले दा ऐ। इसदे च बक्ख-बक्ख मंत्रालय होगंन तां जे सब्भनें गी सुविधा होए। एह भवन बिजली बचत ते

पुनर्चक्रण सुविधाएं च अग्रणी होग जेदे कन्ने 30 फीसद ऊर्जा दी बचत होग। इत्थे ID Card, आधार Access Control एकीकृत निगरान सरिस्ता ते एकीकृत कमांड सरिस्ता होग।

<><><><><><>

India Philippines

भारत ते फिलिपीन दपक्खी साथ-सहयोग गी सामरिक साम्भ-भ्याली दे स्तर तोड़ी बदाने लेई सहमत होई गे न। ए फैसला कल नमी दिल्ली च प्रधानमंत्री नरेन्द्र मोदी ते फिलिपीन दे राष्ट्रपति Ferdinand R. Marcos Jr. हुंदे बश्कार होई दपक्खी गल्लबात दौरान लैता गया। मीटिंग मगरा इक सांझा पत्रकार वार्ता च प्रधानमंत्री मोदी होरें आक्खेया जे भारत ते फिलिपीन ने दपक्खी गल्लबात दौरान सामरिक सांझ-भ्याली गी बदाने लेई साथ-सहयोग गी होर तगड़ा करने गितै 2025 थमां 2029 तोड़ी 5एं बरे दी कार्य-योजना गी अपनाने दा फैसला कीता ऐ। राष्ट्रपति मार्कोस होर भारत दे अधिकारिक दौरै पर कल पुज्जे हे जेड़ा 8 अगस्त तोड़ी जारी रौहग। राष्ट्रपति मार्कोस हुन्दा भारत दा ए पैहला आधिकारिक दौरा ऐ।

<><><><><><>

Prez Murmu Philippines

राष्ट्रपति द्रौपदी मुरमू होरें आक्खेया जे फिलिपीन कन्ने भारत दी सांझ-भ्याली छड़ी दौने मुखे दे लोकें लेई फायदेमंद नैई ऐ। सगुआ ए इलाके च शांति स्थिरता ते खुशहाली लेई बी महत्वपूर्ण ऐ। फिलिपीन दे राष्ट्रपति Ferdinand R. Marcos Jr. हुंदे सम्मान च दिते गेदे भोज दी मेजबानी करदे होई राष्ट्रपति मुरमू होरें आक्खेया जे दपक्खी सरबंधे गी सामरिक सांझ-भ्याली तोड़ी बदाने दे फैसले कन्ने कैई स्तरें ते क्षेत्रें च साथ-सहयोग होर मजबूत होग। उनें आक्खेया जे भारत ते फिलिपीन बश्कार परानी दोस्ती-मित्री ऐ, जेड़ी ऐतिहासिक सरबंधें, परानी सभ्यताएं ते इक्के जेनह मुल्ले उप्पर आधारित ऐ। राष्ट्रपति मुरमू होरें आक्खेया जे दौने मुखें बश्कार कैई क्षेत्रें च साथ-सहयोग कन्ने कारोबार बदोग-

मठोग, रक्षा ते सुरक्षा मजबूत होग, विकास च तेजी आंग, समुन्द्रें च सहयोग बढोग ते उच्च स्तरीय गल्लबात च निरंतरता आंग।

<><><><><><>

Uttrakhand Floods

उत्तराखंड दे खीर गंगा नदी दे उप्परले इलाके च बदल फटने करी आए चानचक्क हाड़ कारण उत्तरकाशी जिले दे धराली गां च बड़ा मता नुक्सान होआ ऐ। बदल फटने मगरा खीर गंगा नदी च चानचक्क बड़ा मता पानी आई गया जेदे कारण उत्थे बड़ा मता नुक्सान होआ। जिला मैजिस्ट्रेट प्रशांत आर्या होरें मुंडली पड़ताल दे आधार उप्पर आक्खेया जे अजे तोड़ी 4 जनें दी मौत ते केंड्यें दे लापता होने दी खबर ऐ। फौज, NDRF, SDRF, जिला प्रशासन ते होरनें मुतला टीमें कन्ने रलियें युद्ध स्तरें पर राहत ते बचाव कार्य गी अंजाम दिता जा रदा ऐ। आकाशवाणी समाचार कन्ने गल्लबात करदे होई राज्य दे आपदा प्रबंधन मैहकमे दे सचिव विनोद कुमार होरें आक्खेया जे जिला प्रशासन पूरी चाली सर्तक ऐ ते प्रभाविक नागरिकें गी हर संभव मदाद पजाई जा रदी ऐ।

<><><><><><>

IMD Weather

भारतीय मौसम विभाग नै उत्तराखंड च अगले त्रै दिनें दौरान तेज बरखा जारी रौहने दा अनमुमान जाहिर कीता ऐ। हिमाचल प्रदेश, जम्मू-कश्मीर, हरियाणा ते पच्छमी उत्तर-प्रदेश च बी अज्ज तेज बरखा होने दी संभावना ऐ। मौसम विभाग नै अज्ज केरल दे किश हिस्सें च तेज बरखा दा रेड अलर्ट जारी कीता ऐ। लक्ष्यद्वीप च ते तमिनाडू, केरल माहे, कर्नाटक, तटीय आंध्र-प्रदेश, तेलंगाना ते रायलसीमा च शुक्रवार तगर बड़ी तेज बरखा होने दा अनुमान ऐ। पच्छम बंगाल दे उप हिमालयी क्षेत्र, सिक्किम, बिहार, ओडिशा, पच्छम बंगाल दे गांगेय क्षेत्र झारखंड ते गोवा सने मुख्य दे पूर्वी ते पच्छमी हिस्सें च अगले 2-3 दिनें दौरान तेज बरखा होई सकदी ऐ।

<><><><><><>

Amit Shah Cooperation

RBI Monetary Policy

भारतीय रिजर्व बैंक दे गवर्नर संजय मलहोत्रा होर अज्ज बड्डलै 10 बजे मौद्रिक नीति समीति दे प्रस्ताव दी घोषणा करगंन। रिजर्व बैंक नै फरवरी थवां हुनै तगर त्रै बारी च रेपो रेट च इक सौ आधार अंके दी कटौती कीती ऐ। इसी दिक्खदे होई किश माहिरें दा मनना ऐ जे अज्ज दी घोषणा च यथास्थिति बनी दी रोहग जिसलै के किश होर लोक 25 अंके दी होर कटौती दी मेद जाहिर करा रदे न। SBI दी Research Report च समीति महंगाई च किश बाद्दा, सकल घरेलू उत्पाद च बेहतर वृद्धि ते विदेशी व्योपार शुल्क सरबंधी अनिश्चिताएं गी दिक्खदे होई 25 अंके दी कटौती करी सकदी ऐ। इसदे च ए बी आक्खेया गया ऐ जे पैहले जिसलै बी त्योहारी सीजन तौले शुरु होआ ऐ ते ब्याज दरे च कटौती कीती गई ऐ ते दोआर बाद्दे च मजबूती दिक्खी गई ऐ।

<><><><><><>

Chess Chennai Masters

चेन्नई च अज्ज शतरंज दी चेन्नेई ग्रैंड मास्टर्स प्रतियोगिता शुरु होग। इस प्रतियोगिता च 2 Round Robin Groups शामिल न, जिनें मास्टर्स ते चैलेंजर्स दे रूप च 2 वर्गे च बंडेया गया ऐ। मास्टर्स दे पैहले राउंड च भारतीय ग्रैंड मास्टर अर्जुन एरिगाइसी दा मुकाबला अमरीकी खडारी एवोंडर लियांग कन्ने ते विदित गुजराती दा मुकाबला नीदरलैंडस दे जार्डेन वान कन्ने होग।

<><><><><><>